



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Æstiva - A Dominica SS. Trinitatis, ad Dominicam decimamquintam
post Pentecosten

Haineuve, Julien

Coloniæ Agrippinæ, 1665

Ecce didi te in lucem Gentium, ut sis salus mea usque ad extremum
terræ. Quanto salutem omnium studio procuravit sanctus Ignatius, tam
studiosi omnes illius esse debent, quibus est curæ sual salus.

urn:nbn:de:hbz:466:1-44226

DE EODEM SANCTO, AD HÆC VERBA ISAIAE 49.

Ecce dedi te in lucem gentium, ut sis salus mea, usque ad extremum terræ.

ALIA VERITAS PRACTICA.

Quanto salutem omnium studio procuravit sanctus Ignatius, tam studiosi omnes illius esse debent, quibus est curæ sua salus.

RATIO EST, Quia quanto hic salutem omnium studio procuravit, sanctus Ignatius, tam potens est in cælo pro aliis ad eorum salutem promovendam qui fuerint ipsius studiosi, quæve ad illum propterea studiose recurrerint adiuvandi.

Sed quibus est cura sua salus, tam studiosos esse par est illius Sancti, quam potens est in cælo pro aliis ad eorum promovendam salutem.

Ergo quanto salutem omnium studio procuravit sanctus Ignatius, tam studiosi omnes illius esse debent quibus est cura sua salus.

DISCURSUS non minus est facilis quam utilis. Prima propositio continet dogma commune de diversis Sanctorum meritis quibus par in cælo respondet gloria, beatitudo, potentia, & singularis quædam efficacia ad certas quædam hominibus communicandas gratias quas alij non conferrent. Sic usitatum in Ecclesia cœnimus, ut vel pro certis malis depellendis vel bonis quibusdam impetrandis, ad unum de Sanctis potius quam ad alium recurratur, quia videlicet hæc illi singularis à Domino data est gratia & potentia ut sic cœlatur Sanctus in Deo, & Deus in Sancto glorificetur. Sic autem dicitur illa singularis Sancti potentia ipsius meritis respondere, quatenus inter se habent quandam analogiam & similitudinem, ut qui dum viveret, misericordiz, castitatis aut alterius virtutis & bonorum operum laude præcellerit, partem in cælo vim habeat similis gratiæ conferendæ. Vide sanctum Bernardum sermone de sancto Nicolao & de aliis sanctis.

Cam itaque sanctus Ignatius dum viveret, singulari salutem omnium studio procuravit, quod facile est ex eius vita declarare, planè id

sequitur ut modò in cœlis, tantum præ cæteris possit in hoc genere beneficij conferendi, quantum in terris excelluit benè merendo de omnibus, & omni studio salutem proximi conquiritendo. *Euge serve bone & fidelis quia super paucis fuisti fidelis, super multa te constituam.* Hæc est videlicet remuneratio multiplicati talenti, ut in quo quis administrando fidelis fuerit, fiat potentior in eo dispensando. Quod & alia Parabola Dominus expressum nobis voluit paulò distinctius, cum sic negotiantem servum inducit rationem suæ negotiationis reddentem: *Domine, Mna tua decem mnas acquisivi. Et ait illi euge bone serve, quia in modico fuisti fidelis, eris potestatem habens super decem civitates. Et alter venit dicens, Domine, mna tua fecit quinque mnas. Et huic ait, & tu esto super quinque civitates.* **ANIMÆ** significantur, inquit sanctus Ambrosius, quibus iure prapponitur, sicut enim Angeli præsunt, ita qui vitam meruerunt Angelorum.

SECUNDA propositio est evidens ipso naturæ humine, confirmari vero etiam sanctorum Patrum dictis, tum piorum exemplis hominum qui sua vota his potius deferunt, à quibus sperant certius se quod orant obtenturos.

Sic aptè Divus Ambrosius ad sanctos Petrum & Andream, qui primi ex omnibus sua reliquerunt omnia, recurrendum ait pro cupiditatibus nostris reprimendis, *Ama, inquit, propinquitatem Petri, affinitatem Andree, ut pro te rogent; & recedant cupiditates tua verbo Dei pulsa.* Quasi diceret: illi sunt præcipuè ad eundem qui sunt in dono quod postulas conferendo præcipui.

Sic itaque, si tibi curæ est tua salus, studiosum te illius Sancti exhibe, qui quantum in terris salutem omnium procurandæ studuit, tantum in cœlis modò potest eam procurare omnibus sibi studiosis, demerendo illis gratias efficaces, quas alioquin forte non accepissent & quarum defectu perissent.

O gratiæ nullis sat dignis quæstibus præcibus & gratiæ nullis sat multis obtentæ votis!